

集部

西臺集卷

詳校官庶吉士臣具 垣

侍讀臣孫球覆勘

校對官編 總校官 進 士 謄録 監生 臣熊之書 修臣屬守謙 臣程嘉謨


欽定四庫全書 見 王田事金、」 西臺集 提要 仲衍同舉進士歷仕州縣元祐初名武學士 字公叔鄭州人同平章事士安之曾孫與兄 臣等謹案西臺集二十卷宋軍仲游撰仲游 籍終于西京留司御史臺提舉鴻慶官宋史 院徐集賢校理累遷吏部即中後入元祐黨 西畫具 集部三 别集類二宋

附載入士安傅末叙其事迹頗詳属鷄宋詩 樂大典各韻中搜輯排比詩文諸體俱全似 紀卷目多寡互殊傳本亦久絕于世令從永 卷而晁公武讀書志則稱西臺集二十卷所 游有集行世不詳卷數宋史藝文志作五十 紀事以為士安子者誤也東都事略但稱仲 荒謬多不可憑疑五字為傳寫之候謹仍依 已勘所遺闕特未能足五十卷之數然采志

Mail Jan Zahio 萬萬斛之致于載文軟轍最近針义之契殆 東坡集中今觀其著作大都雄偉博辨有餘 黄庭坚張未晁補之諸人而蘇軾獨異所作 由于此其間如正統封建郡縣諸議雖不免 史才通世務文章精麗議論有餘原狀具見 游少員為其試館職時所與同策問者乃 讀書志釐為二十卷亦幾幾乎還其蒨矢仲 推為第一他日又舉以自代且稱其學貫經 西臺集

金罗世尼人 賈禍又上司 馬温公書稱其欲廢新法而左 書稱其知畏于口未畏于文深戒其以文字 薰陶故發為文章具有典則集中上蘇學士 完終仁完終粹劉擊軍又皆一時名德漸漬 旣 盡 右皆安石之徒懼其禍之猶在其後悉如所 稍 有 失之偏駁而其他論事之作類皆明白 切中情理不為浮誇談謾之談盖其學問 根核所從游者如富弼司馬光歐陽修 提要

スラー ニーハーラ 慮是其深識遠計尤不可及固非獨文辭 之 则 章之正體今以原籍所有姑録存之而列本 亦並存以備考證至開改疏樂詞諸篇非文 其當或由仲行無集故附入仲游集中數今 為官制局檢討文字千萬計損益刪補曲盡 目劄子一道亦題作西臺集考宋史載仲衍 工矣又永樂大典有畢仲衍上編次官制卷 概從刪削馬乾隆四十九 年十月恭校上 西量集



をこうと とうし 知詩賦經義取士利害之實自朝廷議改科舉欲具 行列をおいる 院門衛軍 等極 鄉 A CONTRACTOR OF THE PARTY OF TH 全人 经营营营养权 ACCRETING ANDREAS 70 TH 31 西臺集 讀考校熟見樂人科場文字 內充進士覆考官及臣自守 串仲游 撰

聲病偶儷之文章以應有司之求與以聖人之經原聖 信而無定說也夫詩賦非經義之比易見也使舉子為 **固已未决而又各匿其所短暴其所長此所以更** 無用而不思經義於取士其實如何詩賦經義之利害 奏陳而臣備員府僚事務繁併粹無須更之暇得盡思 まりにん 利害猶未有定說尚詩賦者則 見今臣獲解府事待罪儒館竊聞士大夫所論科舉之 不言詩賦之名甲於經義尊經義者則指詩賦為雕刻 指經義為易習難考而 枂 不

明矣然詩賦之行幾五六百歲而未厭自隋唐以來高 人之意而立其說則道之尊甲志之遠近不待言而可 - (:) 之用詩賦者今學也可以為科舉之用而不足以謀道 以濟務而甲且近者反宜於世耶盍亦要其本末始然 而論之益經術者古學也可以謀道而不可以為科學 二十年天下已有依色而並後詩賦豈尊且遠者不足 今若使天下之士不 為科舉而治經且如輔嗣之治易 才達識立功名有道藝者往往出於其問經義之行無 1 1.1. 馬臺集

多定正年生書 年五十以學易可以無大過矣而漢唐諸儒亦多抱經 関遠如天地之高厚非可以不道治也孔子曰加我數 矣地做而可度則其載物也薄矣益言聖人之經幽深 而見臣請明言之楊子曰天做而可度則其覆物也沒 以來詩賦豈能及四人之所治如納四人於今日科舉 白首然後名家近世如孫復治春秋居泰山者四十年 康成之治禮安國之治書社預之治春秋則錐舉隋唐)間則亦化為舉子之文章矣詩賦經義之利害至此 K

次にこりもしてら 經義為科學者欲尊經術耶欲早經術耶欲早經術固 豈有正心誠意治經術謀聖人之道者哉臣愚不知以 學不足次得失則益以新說新說不足以決得失則益 一寧元豐之進士今年治經明年則用以應舉謂傳注之 聖人之經術遂但為下利禄之具要之應舉得第而已 始能貫穿自成一說人猶以為未盡春秋之百意而熙 無此理然使舉子分章析字旁引曲取以求合有司而 以佛老之書至於分章析字旁引曲取以求合于有司

善則一矣豈可逆知其無損此詩賦經義之利害可得 皆前在位者之所使今而不為何損於經則既以經術 **謀道治曰治經為佛老之學與分章析字旁引曲取者** 無盖於聖人之經而聖人之經術不為舉子之所亂尚 恐後日在位者之所使有甚于前日者矣要之為街不 為下利禄之具使求合于有司得失之慮交于目前臣 自若也士之有志者不害于科舉之外正心誠意治經 為卜利禄之具則是欲尊經術而反甲之詩賦之學固

然不可以責舉子也彼應舉必有得失之慮既應得失 元祐之問經義皆班班附會春秋以為說此可謂正心 則不得不趨時所尚故王安石在位則經義欲合王安 てこう ここ 誠意治經謀道之人乎於聖人之道有損乎有益乎雖 遂廢春秋一科而學者亦諱春秋不言司馬光治春秋 論臣請論其大者王安石不治春秋熙寧元豐之間經義 石司馬光在位則經義欲合司馬光其小馬者不可勝 論者一也夫舉子之取名第止問得失而已既問得失 西臺集

金月口屋 人工 **慶夷未必不由科舉之致故詩賦錐為無用然作圓丘** 賦堯舜性仁而已矣錐欲取合于在位之人其路無由 象天賦則止賦圓丘 象天而已矣作堯舜性仁賦則 則不若勿應而已矣天下應舉者無慮數十萬人而人 而取合同已無益所以不為難臣者曰廢經義而用 人皆以經義苟合于在位以卜利禄則風俗傷敗操 義不合王安石則有司不敢取知有司不取而應舉 則不得不以經義取合于在位之人王安石在位而經 基 行 عد

|賦詩賦不可以取合若以策論合于在位則如之何臣 合豈嫌取合之少乎然科舉之體常以詩賦經義定去 寧之後以經義合在位者甚衆也此詩賦 經義之利害 取合者必少故治平之前以策論合在位者未有如然 應曰以策論合於在位固所不幸而又盆以經義使為 也今朝廷若復鄉舉里逐方得取士之正是求賢也是 留寒論定高下彼於去留之間無以取合則為高下而 可得而論者二也夫取士之道古亦有之鄉舉里選是

次足の事人二方

西臺集

節目精革始可從事而策論之中又自有經義試 必曰求賢亦非敢必曰求能特為科舉不可廢而立法 諸子百家而習詩賦者必須涉獵九經汎觀子史知其 得則詩賦經義站問其為科舉之後便與不便爾盖詩 則詩賦經義均不知人之能不能既賢能不可以科察 爾若曰求賢則詩賦經義均不知人之賢否若曰求能 求能也如謂鄉舉里選未可掉行則今日之取士非 雖若無足為者而題目或出於經或出於史或出於 苍 敢

舉人未罪詩賦之前策論之中所說經義與既罪詩賦 前言往行治亂得失而聰明特起之士因此自見於世者 前言往行治亂得失而通於事是其名則早而施於科 之後專治經義者校之相去幾何而涉獵汎觀少廳知 為詩者不為易為易者不為禮為禮者不為春秋是知 舉偶得其術而便爾至於經義則不然為書者不為詩 甚我由是觀之詩賦雖若無用而其術能使舉人廳知 經而四經不知也雖有策論而論題自見所出易於為 b

新定正库全書 高才達識立功名有道藝者往往出於詩賦之科似有 成效令朝廷必欲做古以與賢能則請俟復鄉舉里遇 尊而施之科樂偶非其術而不便爾而又自隋唐以來 乏而所治之書麤通策問有備遂可以得名第其勢不 文策則人人皆挾策括以待有司不出掌握舉可問者 前言往行治亂得失殆無以自見於世是經義之名則 暇留意於其他書史若非常從舊日科舉之人則所謂 具在其中非所以廣學問也經多聞博識之士世自不

大三日ラ 人です! 賦則有聲律而易見經義則是散文而難考詩賦所出 者為之耶此詩賦經義之利害可得論者三也至於詩 義之學不識當取施之科舉已見成效與知其衙可取 盡詩賦則題目百變必是自作之文經義則理趣相 之題取于諸書而無窮經義所問之目各從本經而有 者為之耶當取施之科舉未見成效與知其術之不便 共天下之治者必多由科舉而進非細事也則詩賦經 如止為科舉不可廢而立法則異日設官分職凡所與 西意金集 鯯

扚 赋 偏見以去取 經義則易為牢籠多是舉人在外所撰文字詩賦則 可用他人之作詩賦則難為豫備足見舉人倉存之才 行則既後詩賦而又客存經義不過欲樂人詩賦 也若以經義為可行則無事復詩賦若以經義為不 以取士而詩賦之上猶存經義是詩賦經義之利害 拙 知經爾 有司無適莫之心經義則各尚專門試官多用 雖然又非 如此小小 術也首科舉之未變也詩賦 利害難以究述令朝廷錐復詩 之 惟

インゲル

£

11 mm

觀其詞采篆論以觀其經術時務論題出於六經是經 敢出於五經之中樂人知策問論題不出于五經所 大義而策問論題或出於易或出於禮或出於詩書或 くこうえ 經者而詩書禮易春秋必泛達也今既於詩賦之外 出於春秋無所不出則舉人亦無所不留意雖非純於 之經術不名為大義則不謂之經術益首之策論雖非 術也策問而及經旨是亦經術也豈必名為大義則 一經而為大義則策問論題必須避舉人專治而不 1111 面臺族

首庶不為科舉之所亂若論令之舉子已習經義雖復 或可以兼至不累于科舉以進治經之人則聖人之經 金少正人 公子 人再後詩賦以取士則隋唐以來高才達識功名道藝 策莫若專後詩賦以取士而不累于科舉以進治經之 意五經者取舍不同是誘之使淺驅之令挾也為今之 不知也錐有詩賦而樂人為詩賦留意與為經旨而留 為易者不為禮為禮者不為春秋是亦知一經而四經 備有司者約矣則亦將為書者不為詩為詩者不為易 卷一

|詩賦而有不能為者則願該嘉祐明經之科以待不能 制則人無難矣益明經近於經義而析與今日經義利 為詩賦之人所取之數與推恩薄厚少增損于嘉祐之 シャライルラ 則以為好古而已矣而不知經義之不可累以科學也 而名不及於經義令區區者徒見朝廷罷經義復詩賦 義取士實雖不至而名近於古以詩賦取士實則幾矣 化而為詩賦不以法制而漸復其舊称之善者也以經 害不同取明經常少取進士常多則天下之應舉將自 西京至作

立ちにた ここ 置以為博士教官使傳道於諸生則今日之所尚總得 才無或棄亦可以釋民疑矣機 倦之忠惟朝廷裁擇 設嘉祐明經之科以待不能為詩賦之人而又韶天下 後之其名近古而改之則民疑然 則專復詩賦以取士 既罪之後當記天下求窮經謀道如胡暖孫復石介者 求窮經謀道不累科舉者使傳道于諸生則政有並舉 術之正而無 科樂之累道之美者也益情政已廢而 貼黄

之所能盡不若循用故常之為便也今以詩賦取士 求柱石股胚于其間非細事也如度用經義決能取 多出于昔日進士之科其為故常亦大美然則凡今 之所以論科舉者非止為科舉而已益知其日亦将 慎於更改處更改之後恐有意外利害非目前思慮 王曹韓琦之徒百十年之間凡所與安社稷治天下 臣竊見朝廷平日舉事雖事體不大猶多循用故常 所從來遠且以本朝言之如日端李流王旦魯宗道

次モラシ んはす

西臺集

事勿恤可也若未能臆度恐誤朝廷久遠用人之計 賦策論而又於詩賦之前增大義一場深慮舉人力 詩賦兼策論以從科舉未見具有餘力也今既為詩 論四事之中詩賦最難修習自非超異絕出之才作 士過於詩賦之所取則今日所論詩賦經義皆是餘 所不逮兼自來科場逼試之時皆息力養銳入試第 即乞更加審諦以平日舉事慎于更改為意詩賦策 場詩賦至次日入試論文字不多方可第三日却

オルドノに下している

文定四車全書 一 當州准定國軍際准提舉常平司際契勘耀州官吏眼 武策令於詩賦之前先以大義一場困之至次日繞 患苦然朝廷復詩賦又武大義者必以大義為經術 何異 之故但舉人習詩賦止欲得名第習大義亦止欲得 武詩賦不惟場第太多考校增冗兼舉人就武必所 名第皆借以為干禄之具非真所謂經術也與詩賦 耀 州理會脈濟奏狀 雨臺集

勸誘有力戶出辦有餘納本倉仍開諭積貯之家減價 出雜勘會本州昨來夏旱放稅七分以上至八九分據 行脈濟以來累准提舉常平司取會點檢不一其間本 取勘依條施行差人取索公案即不坐到奏刻違法事 羅解斗違法不當事理分明已具奏聞及節次傑本州 州指置賑糶别有因依合具奏陳者 件未知提舉常平司奏劾本州如何賑難違法緣自 檢准元豐令災傷放稅七分以上賑濟穀不足者許 推

勸誘鄉郭有力之家出辦斛斗本州備録行下諸縣之 汉王四年至 一 七萬九干餘口雖累准提舉常平司牒指揮催促依條 豁縣依條抄錄到闕食之人共四萬八千餘戸計一十 價出輕常平斛斗及依條抄錄閱食户給赴內外官倉 之數不曾催納入官是各除放不用為自三月後來減 給還外有雲陽淳化富平三原同官華原六縣錐升斗 後大縣勸誘不過三千石上下小縣千石以下內除美 一縣曾申納到勸誘大麥五百八十五石後來却已 西臺集

限兼係令人户自將斛斗就鄉村要便處難賣與闕食之 出辨所在開諭積貯之家減價出難子條既無多少之 誘係人产出辦入官有餘納本倉不給價錢難以多行 出羅斛斗救接前項十六七萬無管運闕食之人蓋勸 定疊別無可措置擘畫遂依上條開諭積貯之家減價 然不多市上絕無難賣物價愈更閱責人戶流移未得 至六月間內外常平斛斗除樣羅指占外見在數目全 羅米并抄劉貧乏不能自存之人依乞丐條支給米豆

٠,

Auth C

勸誘係是兩事元不是合催納入官之物今來提舉常 無異止是依條比災傷之際閱貴市色減價出難即與 出辦入官與關食之人用錢就鄉村羅賣事理大段不 初如何違法不當竊慮提舉常平司奏聞事狀內不曾 平司奏劾本州官吏賑難斛斗等違法不當雖不知奏 同别致朝廷怪责兼本州昨米至六月間人户猶未種得 子細分別勸誘與開諭依條係是兩事亦不曾分別直 逐漸自交領價錢歸去與市上尋常難賣斛斗

欠こりったいう

西臺集

金牙口人 斗遂只開諭廳色如麻穀大麥栗豆之類約兩 減價出難外更作私災唯備恐人戶難得米麥細色解 户闕食本州 至脚誤兼後來更曾蒙丁寧秋尚未有收成之望既人 傷合用賑濟并准備向秋賑濟數目 未布種岩向秋不甚豐稔則民間大段關食要見夏災 秋田累准提舉常平司指揮稱夏田災傷已重秋苗多 減價出難中間本州除為夏料災傷附諭積貯之家 AT THE 縣自合預行勸誘有力人户廣行出辦科 如何計置得足不 简

關食之人數目紐算于兩箇月中每人可難一石有零 てたける とこ 每人可羅兩石有零廳色斛斗只比得細色一石二斗 災傷日月又更窩遠元約九月下旬至次年三月終減 段災傷閥食之民須亦更多夏科抄劉之數比之夏料 秋災傷減價出難之數雖更多於夏料若果是秋田大 麤色斛斗只是比得細色五六斗以來與用其預准備 價出難共計一十八萬五千八百六石以抄劉到前項 價出耀且只以夏料抄劉人數細算計於六箇月以上 西臺集 十 勿

平倉見在斜斗數日全然不多又通夏秋作災傷准備 物 金りにん 諭准備及當時萬數即臨時底免敗事益本州內外常 麤色斜斗顯見准擬夏秋災傷減價出羅起初須且開 之數緩五萬七千五百餘石又只是大麥蕎麥穀豆等 共羅十八萬五千餘石至八月中住罷不用會其實雜 羅及三兩石而止昨來夏災開諭七縣積貯之家情願 以來喫用沉自來州縣勸誘與開諭體面情願難百石 者不過難及三二十石而止情願難十石物者不過 1 卷一

段足四車主書 鎮壓十六七萬閥食之人使知廣有開諭下斛斗次第 闕食之人州縣官吏惟是奉行部係及遵依提舉常平 數中實只可望三二分斛斗普遍難與前項十六七萬 出難不多致人户大段流移别負罪責況于情願出雜 亦要豪右積貯之家不亂放散所有解斗出境內質供 指揮推行之後借其夏秋開諭減價額數告示鄉村要 月數寫遠即開諭積貯之家減價出雞州縣當時惟恐 麤肯安心等待官中指置 不致大段流移及結集為盗 西塞住 İ

时 減價難過四百九十餘石廳色斛斗其餘多者難得三 将來得雨之後立便行下諸縣裁減及節次晚告人戶 1 1 1 1 1 升斗亦不曾有升斗之數入官伏望聖慈特賜於察付 餘石一斗得一斗見錢歸去與勸誘入官事理不同其 更不作唯備並住罷記通夏秋開諭七縣積貯之家一 百石少者十石五石具秋料准備之數即更不曾難動 千六百六十餘户上共只減價難過廳解斗五萬七千 惟三原縣出等高強李忠二户積貯之家曾就鄉村

千八百餘戸內却已有四百八十餘戸招誘歸業若以 萬九千五百三十四口後來提舉常平司直下諸縣勒 計二十八萬四十八百五十口據諸縣元抄録末等無 七月十五日以前及後來七縣共計流移過主客户一 逐保者户長等供析取責要無漏落官吏結罪保明自 管運闕食之人共四萬六千三百三十八户計一十七 下有司照會施行 勘會本州七縣據籍主客戶共十一萬三千五十戶

次定四車主書

は.....

價出難解斗向去冬春皆有準擬難更等待邀勒高價 出難過數目錐不甚多卻為諸縣市色間廣行開諭減 十餘處羅物不曽踐踏損一人益開諭積貯之家減價 災傷月分境內並無餓殍亦無一人端初城郭鄉村三 措置擘畫賑救接濟至令粗得安居兼諸縣當夏料 六毫以來若以元抄錄關食之數目紅算除流移過前 本州七縣都大主客户口人數級算只是流移過一種 項戶數外猶約有十五六萬無營運闕食之人因諸縣

殿食之人不惟于積貯之家減價難物兼市上自有廳 誘入官之物人户各在外逐漸交易收領價錢歸去若 無薦却於開諭夏秋斛斗數中只羅及一分以來非勸 之人使不至結集作過今又已見得災傷之際諸縣並 大段流移今來流移數目已見得不多本要鎮壓關食 本州縣元開諭之意本要使十六七萬關食之人不至 色斛斗可以雅買所以流移不多及不至結集作過況 須主逐漸將出耀賣市上廳色斛斗之價遂不曾長其

文でのようしたかい!

西臺集

臣伏見開封府盗賊條禁至多而禦盗之方其大節有 ·新已經裁減除放改正數目與諸縣已改措置事件坐 未倫者以外路州軍言之捕盗之官在城內則都監監 罪伏望聖慈特賜於察付下有司照會施行 無所損令來提舉常平司奏劾本州官吏竊慮要用開 劄子 外則巡檢縣尉益不可易之官也今京城外巡 七置京城廂巡檢劉子

て、う・・ 干預自來開封舊例令使臣人員等密行緝捕獲賊有 帥臣與四廂主者雖主徼巡於國中而尋常盜賊舊不 尉與外州軍署同而京城內巡檢之職寓于馬軍步軍 府巡檢六員其二在舊城內其四在新城內四壁使諸 盡臣愚欲乞于馬步軍即及四廂至巡檢之下別增置 病人口詞并檢驗旅火等維務不類捕盗之官理殊未 諸廂小使臣雖帶督察盜賊其實分管估計家業取問 賞而不發無甚謹罰人殺責輕往往返與盜賊為市而 1.11 西麦生

專治巡檢職事亦不廢開封緝捕公人則京師盜賊知 淺随本非大任之器累年 強勉終無 補報高爵傳禄有 金好匹尼人言 臣将持達之知找用至此固不敢輕為出處但以臣行業 有專一責任之官自然人产安居姦盜屏息輦轂之治 劾仍做外州軍都監監押功過殿最之法而增損之使 不為無助取進止 司使副或大使臣為之隸于開封府得以職事樂薦按 代劉摯乞外任劉子

致定四庫全書 ~ 晚節以報始終之賜 其不能察其無他又非避事早賜可詔除一外任誓堅 去矣然則臣之區區豈獨為全身之計哉伏望聖慈於 累國體而上站陛下任使之明則臣之罪大於今之輕 引分非止今日價待咎惡暴揚而去必至有煩典憲以 砚面目天監在上公議在下風夜念之不寒而栗其思 西書工作

				1	==	
西臺集卷一						
集		 				
卷一						
						-
			,			
		,				
	,					
						1

|決定四事全書 | 鴻麻凡在見聞熟不踴躍恭惟皇帝陛下宅心道與恭 嘉祀以躬臨精意感通燕大抵而昭格因崇顯號孟茂 臣其等言伏都今月十四日夏祭禮成者曠儀紹察制 欽定四庫全書 表 西臺集卷二 留司文武百官賀夏祭禮成表 西臺集 宋 畢仲狩 搩

伏以堯熙庶績欽思象以授時周厚生民正歲年而序 兹申祀還親上儀依泰一以躬行體汾此而祇事禮文 黎因推母道以定 郊刊合祭之舊文即肇裡之吉壤遠 既合德以慶成無體惟休期同符於辱載 王之上去為萬世之規天瑞著明神靈享答可得而禮 **換備樂舞大陳仍仰致於微稱示盖的於盛節紹復百** 已化源治少鑒於古初功坐成於制作既已父天而報 謝賜歷日表

次とコシー人はよう 嘉禮告成徽音可刷人神協慶日月增輝臣聞易載坤 驗恭惟皇帝陛下文明光澤輔相裁成謹始建官職的 事稽古太史之法實令司天之官不獨布政于明堂 日之文仰答後天之訓 故行于正月之吉臣敢不恭承德意恪守網條動占迎 重黎之後務農重穀功高舜禹之前將待夫來歲之宜 順帝則抑以誕告于下土協成歲功因是寵領伴資考 賀冊皇后上太皇太后表 西臺集

合聖明靡私威里之親大契家人之正如為詳擇無示 和凡在懷生熟不增忙臣切分使指方走邊籍無任 至以繼美貼芳豈特符天之表助德理内永均函夏之 道湖神孫顏外治之已隆而中宫之未建博級慶閥作 家尤屬昌期誕聞懿冊恭惟太皇太后陛下聖齊文母 之尊下為萬世之嗣虞舜以與于始初周文以御于邦 元由順承於天體禮尊正始益統治于宸聞上嚴上廟 河東提刑謝到任表

11 11 11

かんり こしい 素冠方釋復預校鄉温檢俄獨謬切繁使曲狗由東之 請衆知補外之優驟服恩私惟深感泣伏念臣生而多 盡伏塚纏哀除腳難留悲已除于歲月疲舊強起好絕 際會得預搜揚顧事效之淺間而禍艱之已至居盧待 如將院庫以終身屬聖治之更新登庫公而夾輔職 場屋僅級詞科仕有顧書第逃官誇雖以庭聞而仰禄 難長亦無成祇緣門戶之久衰粗欲簪裳之不絕學游 於功名因馬外官少行私計本懼譴訶之及更階刺 西臺集 由

入預量即出將使指號為禁選思許选居雖奔走之常 心錐匪逮親之禄寒惟遇事尚圖報國之忠 從欲道在實慈常深察于通言務曲成于底物太皇太 金灰正正全書 編詢誤俗每戒峻文之侵枉底幾惠澤之究宣陟此雅 之理非特觀其孤苦亦少寄于紀網臣敢不謹奉詔係 后陛下幽微必察愛育無偏謂雖疎遠之臣而有於憐 樂之榮僅免人言可量天幸此盖伏遇皇帝陛下仁惟 秦鳳提刑到任謝表

致之四庫全書 ► 刺舉曲徇經年之請俾分劇部之憂臣敢不慎守網條 此益代遇皇帝陛下憂勞圖治總攬至公從欲推仁因 之相仍坐覺身修之不振齒髮退衰而私累亦衆文墨 盆思策勵豈惟行微俾無侵枉之冤凡是簡書當體京 能授職謂其多難雖無意于澄清恐亦盡心故特還其 初習而學業已荒止祈循守于官資敢意過仍於器使 以效官固非特起抱陳編而自信偶預實延繼經災疾 更知孱愚之靡稱伏念臣才惟委瑣性甚位蒙傷小行 西臺作

起於寇攘必素有于吏能始可當於使指顧才微而号 如關部之雄尤號兵民之衆連速或填于行散推理屢 抱軟和鉛入書林而備數升車攬轡分剌部以常優別 以仕宦為常處貧賤而機寒不免比蒙任使益出傍逾 服恩私交深處懼伏念臣性 奉使一方仍恭按刑之重沒官三月處切易地之禁仰 於之實真逃大譴少補明時 水與提刑謝到任表 如學解名與身微緣家世

准都進奏院遞到教書一道差臣提點永與軍路刑獄 防廢死之病民亦戒細苛之傷善更自殫于夙夜期有 砥節奉公平心持憲務廣好生之意 俱無失職之嗟所 州縣之勞識簿書期會之事故兹委付令盡批勤謹當 因任謂臣常為省府之屬體朝廷欽恤之仁知臣早服 補于涓埃 稱偶人足以誤承此益伏遇皇帝陛下恕以觀能明于 謝洛權字表

炎之四事至一日!

西臺集

臣頻假于使略靡自激昂視功名而寝遠謾無施設豈 考續唇虞之大法而資格祖宗之至公雖云不以才稱 秩以在官此益伏遇皇帝陛下日月比明乾坤均施謂 歲月之足論未即譴訶更累陞改方緣恩而易地許增 避追以階樂上方右文而臣預游于冊府時欲重外而 始懼點幽積日為勞處切叙進揆能匪稱省已增漸伏 公事兼本路勸農提舉河渠公事落權字者循名責實 念臣學不究於本原仕止承于家世雖嗚崛而從政亦 ル 11T+ 於定四事全書 ~ 益以屢承人乏故兹假寵更界微勞臣敢不抵守那刑 貸賜以曲成伴外領于塵符實內承于風化不達本道! 刺部六換年華既積效之後間第簡書而是畏敢圖善 如操以常孤止期循守于官資何意謬更於任使三移 楊交深伏念臣識用非長藝之無取品與材而俱下迹 俯求民瘼務以行於寬語真然追于嚴刑 **《將使指全乏吏材為拜恩除發當即寄僥逾未免感** 耀州謝到任表 西臺集

准 難報稱誓更殫於縣力底仰答于鴻私 亦有民社可以施設循項至踵出自生成剖心析肝知 領沈迷之滋久錐無補于公家而疾病陳請之在前似 帝陛下體天函覆如日照臨深拱穆清察知疎遠謂簿 幸粗語其物情况得近民可悉心于條教此盖伏遇皇 俯從其私欲比蒙易地均號善那非徒禄食免于飢寒 同州推勘所牒准提舉常平司牒備坐到敕命為先 耀州謝免勘表

欠己日二人日上 特與免勘者居官不職宜在譴訶有罪以仁實由函覆 格奉於部條濟以小心親無大過適屬元陽為戾衆食 未厭於民情事已過中實自干於吏議方俟至公之典 頗艱既防流徙之寝多又慮 題攘之間作力 無不及懼 恩私横及感涕無從伏念臣性識本凡器能又淺徒緣 價出難斛斗不當事奉聖旨耀州及逐縣官干繁人吏 取勘本州縣去年因災傷勸誘鄉郭人戶過數外認減 干禄初學治民久預簪裳濫分符竹思究宣于惠澤惟 雨臺集

陳力戒吏道之偷安遇事捐軀體公朝之使過 特兹申命以示原情臣敢不盆勵操修動遵防檢當官 施撫萬國以和來雖云州縣之所行如在闕廷而必 此益伏遇皇帝陛下至德包荒大明旁燭參二儀而博 アシラア 恩許長民地切輔都本由起廢更此係榮蒙施若驚措 全由天鑒之孔昭至官刑之幸免順身奚報銘骨殊深 處蒙善貸之慈凡殿奉行與諸連及似於本末並賜保 鄭州謝到任表 j. Time I 察

火定四車全書 人 賤微亦預衆人之遣用委之刺部既漸復于官資易以 恩止還吏選視清流而永隔幸故步之不愆屬唇聖之 **躓試言入館偶隨沈為以同升奉使為即屢以養疴而** 纂承仰王明之洞照忠讒素辨黙陟方行夫何一介之 自封幾戶庭之不出燎原方衛爾玉石以異分於頼上 要權之即既蹤跡為書之所出完窮給扎之云何培土 **丐免比泰方州之任朝祈宫觀之除錐官序之關珊尚** 躬無所伏念臣受材至薄禀數亦奇自誤使令常虞顛 西臺集

心更祇勤於風夜 諭 燭細大不遺似於去國之縣因假陪京之便臣敢不親 敢為或俟責臣之均逸豈辱無似而乏可承此益伏遇 仁而官無留事之僕新經大費期休養于公私盆務小 皇帝陛下道如離日之正中德合旻天而憫下幽隱皆 藩方示更加于路使别如鄭圃尤近國郊素多能吏之 教條織悉之意少損道路將迎之勞俾民知厚下之 京東運副 謝到任表

楊交深伏念臣本以書生學從吏道和鉛抱軟既非博 蒙遣用已戴生成未建宣布于上恩乃復切移於劇部 支離疾病之餘每虞寄任之難勝顧以廢間而為幸比 治之名流攬轡登車又乏經營之旅力出沒風波之險 一次足の車主書 遠圖器不遺于近用謂從事部條之內常欲力行故遣 戾此益伏遇皇帝陛下法天廣大如日照臨道滋務于 仍遣將漕稍畀事權錐知繁使之可榮大懼謭材之速 分符京右方謹頌條改使山東視當外計恩私併及感 西臺集

山東繼被部除復塵即逐食玉炊桂豈專空乏之憂治 積競較伏念臣委隨做材 迁疎末學名果不振性 中臺列屬再乔清曹外計選能仍分劇部並由簡拔伏 誇之逃其合公家之利 祇赴于會期以圖報上務受養其基本不至病民非專官 司調度之繁試觀心計臣敢不三思厥職一意在公必 偶遭際于盛時容保全于懦品近者分符京右假節 淮南運使到任謝 表 拙多

際交深付幸此益伏遇皇帝陛下繼明垂照大度推悉 一次 己口車全書 還司將漕是謂公朝之煩使沉於私計而尚完仰服恩 樂挫鍼更抱支離之悉敢期層鑒俯盡物情改界事權 伏奉敕命就差監西京萬山中殺廟者公議難逃方原 運之餘更念紀網之寄庶逃大譴少答鴻私 敢不通勵初心常禪病力賦輸所入勉思經畫之方應 似於察其細微伸选居於內外均為事任尤戴生成臣 謝牵復監為山中新廟表 馬臺集

示以科條例需禄食是謂更生之異賜不同奉叙之常 寬許磨既往之愆大敌自新之路因期歲月便復官資 31]= 於所速感泣無從伏念臣識暗近愚才微易竭曩因際 灰心摧髮杜門期固窮以沒齒豈謂王明洞照聖度崇 近無可稱致彼惡名實由自取緊連族累望絕指神價 會濫預招延躬鄙行而弗思蹈述途而忘返錐更事任 於罪籍上恩起廢復齒於仕途既假神祠還切願廩東 如地以并容豈特居家而坐廢殺身許國帳無路而

淡了可事至言! 住已空關謝恩祇受記許還吏選既已逃刑就假真祠 伏奉敕命差臣管勾江寧府崇 禧觀外路州軍任便居 剖心析肝恨捐躯之無所 慎持操深悼前非題完晚節息點補剿幸解網之親逢 刑之內錐曰罪人而凡居覆載之間莫非赤子爰從廢 恩此益伏遇皇帝陛下道大博臨仁深溥洽謂當在典 放常有哀於遂至生成實踰分願臣敢不動思刻勵更 謝除宫觀表 西臺集

之患似憐痕累故有恫矜臣敢不克已思愁捫心自於 隱謂入朝自棄既從寬貸之科而制稱有差俾免機寒 私便倒獲部除此盖伏過皇帝陛下道大并包仁深惻 題勉名果不振跡久彌孤當丐外墨亦祈問局所幸康 親苦雖久從于吏道界無見於事功學當員於初心病 稍之不絕庶幾溝壑之未填敢意天慈洞知人欲特從 復經于晚殿是以七持使節殊乏建明三竊州符僅知 更容擇地恩深曲被感極難陳伏念臣生則賴冥長而 11111 官名之可復更顧索之加優此益伏遇皇帝陛下獨以 逮蠲罪籍獲從輕重之評改界官祠明視等差之辨既 母之譴子弟愛在其中過錐顯而猶於禄宜收而不絕 教祠假領已需起廢之恩琳館就還更荷曲成之賜望 於操行致自觸于憲章如天地之有雷霆刑難不用而父 非所及感不容言伏念臣頃以競愚謬切任使由爱隳 食不以事雖有處于生成身或可捐誓更圖於報効 謝提舉崇福宫表

欽定四車全書

西臺集

感動伏念臣材資既下命數亦屯志本求通患常自撥 伏奉敕命改差提舉南京鴻慶官者庇迹琳宫方魏窮 居而竊禄拜恩部屋更切改命以示遷撫已就熟押心 思報敢忘于大馬 益自省愆常期盡節革心以道迹幸免于泥塗當食而 自新于末路假優老示恩之令為赦過宥罪之人謹當 離明包之聖度念其抵冒錐取廢於清時及此點次律 謝提舉鴻慶官表

行堯舜之所難比湯馬而加盛以斯溥博較及幽微伴 常緣何切冒此益伏遇皇帝陛下大明如日洪覆法天 鄭蒙恩許敢謂皇慈之下逮更兹申命以有加自揣庸 飢寒而顛沛假宫祠者五任分墨務以三年比後哀鳴 途既窮而知批罪雖貸而猶污向非仁聖之哀於豈免 決定四事全事 草以報恩 念顏齡生欲捐躯已愧執戈而衛社死而與目 緣資格之大公 聊示等差而優老臣敢不仰懷全度俯 西臺集 1 猶將結

能淺陋術學迁疎仰膺簡注之隆進備獨錯之職適及 者至仁垂眷多物分須拜賜惟優汗顏有靦伏念臣器 臣光言伏蒙聖慈以臣生日特降部書賜臣朱叛羊酒 兼容母慈廣被重近司之責任推異數以勸官特加 禮有殺家慶澤以自天此盖伏遇太皇太后陛下坤厚 始生之且復切厚下之恩及養無因感的勞子放日致 麋之儀以示寵光之渥所生無忝敢忘風夜之勤來事 代司馬温公上太 皇太后謝賜生日禮物表 支配の見 行う 網紀 其位你常欲巧於清閒敢 無 遜避之莫容但凌兢而失措伏念臣志雖許團識不速 年與志衰任隨責重顧訓詞之所及知稱職之為難既 為益圖忠義之報 知更患難之多已能功名之望空荷兩朝之被遇曾 一善之可稱比假罷於官曹但坐糜于禄食懼不勝 代傳欽之謝御史中丞表 仍取中司之貴名為執法之公未知 尚臺集 期 俯降于絲綸更比濫 報補之 + 持

路寢交神肇修墜典端聞字號慶淡犀生雞慶錫之已 金少四屋台書 先竊尊榮之至此此益伏遇皇帝陛下智以臨下公以 伴于能事 激遭逢之異識其大者雖 持成憲偶承空乏遂爾切逾臣敢不勉思語默之方感 之法未立尚賢愚之並進或毀譽以相紛思得端人 待人謂風俗錐變而觀望之習未衰賦輸雖省而大均 代樞府辭免明堂加恩表 有愧于昔人措而行之底少

これにうしょうこ 楚秋地列周封錫以土田行其租食雖任于有道每沾 昭事天地工祝致告侑饗祖宗防降惟勤寅恭是濟比 知入置極近未開成時之久發觀祀事之嚴選豆静嘉 行揆虚庸之靡稱伏念臣技能單淺功效無聞誤蒙聖 還新命使即售聯詎敢節詞是為該請 君賜之豐而賞以為名大懼那條之紊伏望皇帝陛下 告成于大禮乃均福於犀生敢意具臣亦迂褒典勲加 **垂於分守考慎奏章方異數之載加存至公之可廢股** 西室焦 大支

之難愈況官箴之具在苟兹幸賞實懼匪奏伏望太皇 之容及奉洪恩首切疏爵封租並進數是兼隆爾分願 相多儀庖祝有官莫代煩勞之任選豆在列弟修防降 會入預繁機更當明盛之朝獲觀潤希之典合官親黎 **緣非據冒貢所聞伏念臣操行尋常技能單寡祇由幸** 禮成必祀福兆犀生均大澤以旁流又具僚而沾治敢 羣后駁奔逐隆專配之嚴以篤順成之祐 顧多近列獲 代樞府上太皇太后表

金安四庫全書

改定四事全事-難獨掩道本至公敢江血以繼陳庶察言而幸聽伏惟 勞同底治化方隆而大行太皇太后應取不留慈聞感 皇帝陛下初嗣歷服致養已勤及奉晨昏承顏曲盡憂 特止恩為伊追安處 蒙休而萬福攸同本皇心之能饗難令具位多取寵名 禮當從變雖誠請之屢聞哀已過中尚恩俞之未賜義 太后陛下曲亮嗣勤務裁施予雖一人有慶福區字以 代宰相請皇帝聽政第三表 西臺集

雕萬幾之曠敢辭累騰之煩臣聞三代而上各為通喪 拜章伏閣顧禀命以無從傾耳造廷俟俞音而尚閱深 安重此中間期於賜可 奉職方度愛君敢怠苟為賣尊而遂點則于守義以難 孚號無以宣上德既動關於利害當節通于情文臣等 製迫然而祖宗至重 邦務實繁非威衛無以壓奉情非 掩所以哀推自勉戒命無聞虚便坐之深嚴解外廷之 代宰相請皇帝聽政第四表

そこう: 爰及本朝益尊成憲錐追慕有三年之久而聽朝于決 攬權綱則庶改之繁可日憑於睿斷一言之發足坐致 俯真犀黎奉文母之遺言憫廷臣之血親少寬哀毀自 高宗不言道猶隆於淵默而孝文易月禮已就于權宜 兩漢以來自存奏制盖任大而守重亦勢異而時殊故 於時难實無累于孝思親不隳于治體 日之間允合先散方為達孝伏望皇帝陛下仰模列聖 代宰相請皇帝聽政第五表 西臺集 ナセ

制念基緒相承之重體古今順變之常損異室之至東 禀子命令哀慕未平則雖由于聖性淵默自處則孰部 符題通之至願 幸齊居而處決則君唱臣和將治化之可成雷動風行 攬則將弛玩而沒隱伏望皇帝陛下祇協大飲循勉中 聽當更雅于危惊臣間王者之孝異于閨門臣子之恭 詞情欲竭放處靡遑尚爾閥聞罔知所指期終回于淵 於事功况遺訓之丁寧加舊章之明備價不恭臨而總

金万四月五十五十五

官之未出分使指之華四典方州兩居言責皆為要任 遣賜如故者承流居外荷賣命之寬優與汗從中拜恩 寄視分節制之嚴奉陛下之訓詞有先臣之遺教謂宜 守批偶緣家世自託公朝上辱誤知屢更煩使入綴從 榮之驟至省躬無地蒙施若天伏念臣學不知方賴惟 伏奉敕命特授臣朝散大夫直集賢院仍加上護軍差 殊乏善聲每投刺以下遷輒賜環而復用向冒 干城之 代人謝復直集賢院表

次定日車全書

西塞集

兹寵獎下及孤属臣敢不仰體皇慈俯追往咎居官弗 之後雖屢試以無成関臣齒髮未衰伸回心而自効致 覆東道建中衛全圖以博臨憲先民而致治謂臣簪納 鴻私特示優遷非徒起廢此盖伏遇皇帝陛下體天洪 叨等級之榮書館舊追再竊清華之選仍加熟號盡出 靡俟終更因宗祀之慶成易官名而復職朝家新制逐 徒媳即內之旋生臨壘何安徒齒牙之自訟敢期寄养 綏静而復紛紅錐 自速于煩言 止投間于善地罷邊內 干載之親逢雨露既行不崇朝而偏被豈止逃于譴域 積日之勞追神聖之嗣與實天人之嘉會雲龍在望慶 學發仕先朝早服官箴錐有遭時之幸晚陪禁體止由 躬無地蒙施若天伏念臣才不逮人器非達用偶然撲 文明纘御方潛惕勵之誠慶澤下軍遠被褒陞之典措 更效涓塵 懈底無門 户之盖論報何階猶有簿書之責誓同大馬 代人謝軍恩轉官表

文でつき となり

西臺集

九

聖澤旁流均被生成之力寵光下速更切等級之禁進 敷邑以兼隆銘肺肝而增愧伏念臣受才非敏臨事 盛德惟新憲天道以博臨俾物生之茂遂謂錐忝竊 輕俯個靡 追電端交至此益代遇皇帝陛下大明繼照 更叙進于文階兼冒敷官仍加真食欲解不獲既受而 金歩だんと言 義重於生將捐躯而不顏 不遐遺從此便籍豈徒感戴仕非為已知報國之可圖 代人上太皇太后表 猶

欽定四軍全書 臺久費大官之虞重加新命許陪計要之繁惟此僥逾 當糜捐于異日 伏遇太皇太后陛下至仁體道厚德應期迫初政之清 湛恩之溥博要在無偏而異數之沓來莫非虚受此盖 未知補報敢圖亨會曾冒常階行食增封策敷加等錐 |強徒以樸忠切於許國而遭逢先帝更踐累年引自外 明霈鴻私而決治生民有賴兹鼓舞以同時國事無難 代人謝恩命表

下如 宣特心漸于弗稱更虞力薄而難任此益伏遇皇帝陛 捐敢期沒用而屬重離継照大號惟新被飾殘年蕩除 妄庸常切任寄觸危機而不悟罹罪署以至深永分棄 視以要權加于朽質雖決煩去成本非應物之才而奉 絕參華左省方陪衆傷之遊方職中臺建濫二卿之選 除釁朝隨數舊屢玷寵禁雖壯志之已銷在禁途而未 寵數未安恩章復至不圖衰晚併此燒逾伏念臣 日至明與天合德深念品流之衆察知銓總之繁 頃 γZ

災定四華主書 地益出寬恩自復官縣屢更器使出懷章級方為近即 侍臣在列方旅進以偷安省賦至繁朝就遷而為寵理 法居官乃是平生之志以兹圖報何當涓埃 豈意德站近班復切要任但荷思榮之至此莫知義理 惟自外而處中仍以達問而就 錐可避命不獲辭伏念臣早遇明時得偕無仕中投散 遊歸典圖書如防道山之峻海蒙識拔使直禁嚴非 代人上太皇太后表 两臺集 劇時惟內省已可深熟 Ī

材序進但循資格以為常吏道多好幸有部條之可守 設爵以進天下之善才大者其禄厚德高者其爵尊凡 遂固辭之請終懷暴得之輕益聞制禄以御羣臣之榮 異見躐等顧物論以難安成命必行愧已材之弗稱莫 冀逃罪悔少副憂動 思濟當今之務力踏上古之隆誤記東發使居顯近人 如何此盖伏遇太皇太后陛下圖治急賢推仁念舊 代人謝恩命表

號王官益為公器 别如右府是為要塗必論其才德可 遭遇風雲千載適當聖政之新門戶百年遂恭世官 賢遠至先臣之居位補須題勉可副詢誤何意妄庸亦兹 之美幡然既就陽若難忘此盖伏遇皇帝陛下慎德在 在深嚴已云不次入陪有密更出非常竊稽仁祖之任 大道在前朝自生于荆棘半途知返慨漸迫于桑榆其 臣至愚臨事無識初以簡書而從政繼由門第以進身 以仰承則寵以爵禄不為虚受朝廷所慎令昔攸同

次ミコラニュラ

西臺集


Ī


行發險屢至艱虞而扇物推仁每家起廢比膺寬憲本 為甄叙實出僥逾伏念臣學不知方仕惟守拙爰從壯 祠宫假領荷誦命之寬優內閣聯華拜恩際之縣至名 今之務底全終始仰謝住成 使登要任本無雄畧可希不世之功惟有小心少濟當 初使人以器深念事幾之重試承勲閥之餘度越衆官 金けんにんとった 即曰遭時本由門戶以在官所賴朝廷之宥世雖冥 代人謝復職表

掝 需章自列拱俟俞音温檢俄領莫投汗令遂拜嘉而為 往咎衣冠在列戒重玷于清流水與為心期永逃於謹 致殊恩之下被雖舊物而 寵名幸如骨而肉生感由心而涕出此益伏遇皇帝陛 合終身屬神寶之肇新順天休而澤及特滿痕累便復 下法天為大體道建中既軍雨露之私尤憫公鄉之後 代人謝進職表 如新臣敢不仰體皇慈俯追 11+11

一存大體下訓詞而中筋喻恩命之已成固難一二而陳 慕伸安居于心顏此益伏遇皇帝陛下聖度并容深仁 善貸謂當際風雲之會而今為簪發之餘稍屈至公示 重任仍切秘殿之清資敢謂逾年更兹進職乃臣鄰之 處內尤負乘以貼議上賴保全例均榮務猶玷撫民之 世遭逢累聖逐至大官辛苦一生曾無小補俾持衡而 殊遇量已分以難安瀝彩露章留恩俟音底於憐於運 審顧虚受以多漸伏念臣學每謝于通儒務不明于當

多次四年全書





次三日草在古 欽定四庫全書 禄錐並進于諸生任職居官且無裨于大體裏分憂寄 辭靡獲即罷何安伙念臣學匪多聞器惟近用讀書干 蘭臺典領已瑜分以為議項圍深嚴更冒恩於不次字 表 西臺集卷三 代范忠宣謝除給事中表 西臺集 宋 畢仲游 撰

非為已知報國之可圖義重於身將捐驅而不顧 勉疏蒙滞抵筋特操錐險阻之當更務激昂而自信仕 低 心感而惭此益伏遇皇帝陛下樂在得人急于圓治謂 臣子之至禁況未歷于歲時更驟升于侍從職繁且要 廢放疊預點收策府優游極儒林之盛選經闡防降西 地固無沒齒之言屬日月之繼明與乾坤而等施起從 自抵譴尤賴先帝之深仁許更生于盛世既獲安身之 何而多難亦樸嫩而無他併示殊私更觀晚節敢不 11111

還朝甚遍香職過優寵至心驚恩難力効莫避已成之 參廣內之為游經訓在前侍光華之正坐况屬右文之 速于譴訶非曲貸其餘生安得已衰而後用圖書甚秘 運自奮公朝隨事獻言既無關于得失臨民布政翻自 命深懷非據之慚伏念臣識慮競愚藝文膚淺早丁昌 代而縣左省之官禁幸併來心顏增悸直虞隕越豈特 代范忠宣上太 皇太后表

一次足四事全書

西臺集

德逾此盖伏遇太皇太后陛下母道示儀坤元職載益

項置要官經惟異選自維衰晚猥玷清班既解命以靡 望于有成言以狂而無補謗錐不免寵已繼來知無後 從遂冒恩而居次伏念臣受材迁批臨事潤疎祇由門 故事知未正敢陰視于愆違 後來之效非徒衰晚曲被便審對不以時當雅聞于典 户之相傳得與衣冠而並進謬更煩使寝陟清途志敢 (新民之耳目改還舊物于朝廷寬其既往之愆責以 代范忠宣謝給事中兼侍講表

一次定口事全書 一人 西喜集 效之可圖每處先朝之再造及陛下重離委照麗澤旁 述成祖考之遺謀布政之初以人為急如臣不肖被看 流方悉力於乘邊敢的心於處內既升要近復賜名還 尤深父子遭逢雖在一時之內君臣際會凡切四聖之 伏遇皇帝陛下聖道生知孝思善繼續正朝廷之大體 入講于金華遂常親於玉色其為幸會遠絕尋常此益 新政方行已喜朝間之道舊将如夢更切夕拜之祭伊 知施及衰年併蒙除獎內維白首殆種種以無堪顧有

治民又乏可書之續徒以朝廷之樂善或緣家世以 臣少之異才長惟批守在官論事既無經遠之謀為政 去國彌年方載臨於西壘還朝不日遂升禄于東墨仍 忽于鼓舞之中而被甄妆之渥黄原嚴近遠使切居輔 參帝慎之将以待聖謨之及將何上稱第有中輕伏念 人已廢復與雞窮若達逮四方之承化與萬物以歸 赤心尚惓倦而思奮 代范忠宣上太皇太后表 用

一欽定四軍全書 一人 澳汗難收忧辭遂格偶以衣冠之後得陪帷幄之謀 昭內外之情少發聖賢之蘊腐儒已老雞非適用之才 后陛下淵懿內充聰明旁燭酌民言而布政公天下以 坐照開獲從勸講村資甚薄職守太優豈聖代之乏人 善政日新姑盡可陳之力 為心致使衰遲亦家簡拔敢不寅思官守屏去身謀務 乃公朝之念舊懇辭弗獲際會可知此盖伏遇太皇太 代范忠宣上太皇太后謝同知極密院表 西臺集

陳莫避三銓之要恩私游降遂陪二府之縣席寵未安拜 而自大政清明眾賢登用亦從孤遠屢玷寵靈懷欲自 塗幹盛私家雞未忘于先訓服勞王事且無異于常人 名以道觀能固不勝其憂責如臣者早逢亨運偶防祭 之舒修必智足以周事之變德足以嚴人之心然後上 無憂顏之勞下有又安之俗因時得位雖可望于功 乃為重任出納萬務陪國論之機宜經畫四夷繁邊民 念庸虚大虞順越伏以右極之府雖非古官本朝以來 火人こりませんこから 恩尤異既榮且縣因駁而慚此益伏遇太皇太后陛下 尊獎于前人故延登其後世敢不私念祖宗之成憲更 難莫如置位之重必有潛德方能濟時故陰陽事之 聞命震騰省躬順越敢圖重位輕界具臣竊以任官之 至德誕數陰功協濟不冒幅員之內不違房闔之間欲 参令首之常情祈以聖談施於國事無無大譴以答鴻 代范忠宣辭登庸第一表

球必至 顛階伏望皇帝陛下待以至公考于外議念臣斗 從右府進備宰司命既出于非常人或驚而不信苟懷冒 機要久之勞能動迷取含之方多失事機之會所以宿 揆外懷四夷尚非學通至治之源則必不勝今日之任 本也而責之調和賢愚物之情也而委之進退內總百 智惟見于簿書方思引分以投間何意誤思之職等忽 兵在外邊境未安都俗不和盗賊間發論空陪於惟怪 沉在盛世尤須得人若臣者道 匪深知才難重任自陪

得請 衛小器豈堪君子之經綸察臣口耳常該盡出古人之 飲定口車全書 糟粕已玷極機之近敢超鼎鼐之崇非徒物論之由生 位與恩隆寵隨憂至豈待人言其不可固當自訟于難 失具瞻之體萬方觀德庶幾善化之成言出肺肝期于 可懼民情之未厭特收成命改付大賢則百辟造廷不 安臣間總天下而制治則要在得賢釐庶官而分職則 代范忠宣上太皇太后表 ~ 西臺集

賴先臣之澤尚用循而竊禄以去就之須時敢謂旁求 更加大用超中臺之啖秩兼右省之隆名任既重而猶 事爲聞于一善功名不顯甘貼志士之羞忠義未忘益 之能事徒荷聖神之眷許陪機政之繁身已涉于再期 迁拙少而自勉維聞長者之遺風老欲有為豈識先賢 經綸之具始可以宰制萬類圖回四方繁天下之安危 始于論相蓋量材授任要如衡石之公興化道民必有 為朝廷之輕重欲副是選嗚呼其難臣外之聲散中惟

|次だりょんにす || 增道欲休而更遠 敢云解寵盖實自驚伏望太皇太后 以宰相之望古人所稀蕭曹賢也等間清淨之風房杜 愚誠切至聰聽未回心欲盡而知難詞雖繁而不避竊 之熟言欲必行詞非敢師 宗工則傳之将來始號至公之舉因人有作可成不世 艱難豈平時輔相之尊容假人于造次次還時柄更授 陛下曲彰皇慈少於危艱念自昔工師之衆尚選任以 代辭第二表 西臺集

以居前未紫賜玦之仁更處持衡之重夙宵內省震悸 疎 載之一時尤須哲人以重宰事而臣材敞軍淺道街空 王方今中外晏安賢能輩出沉屬兩官之同德可謂干 朝廷之所以無成風俗之所以不振鑒是前載見于後 里而自私或以錢穀刑名而充位既以幸進未聞至公 才也猶愧禮樂之任苟匪盛世類皆假人或緣宗室戚 徒以先臣之義方得備公朝之官使此更事任屢積 在晚預改機止因際會常欲逐巡而自死正懷進越

一次定四事全書 ~ 遺先覺之天民指神在朝宜有無雙之國士與之戮力 觀瞻為士民之擬議以所任之賢否卜其世之盛東可 籍以與邦如臣至愚苟點幽之未至于時無補尚假借 交與伏望皇帝陛下考慎其人明揚以道嚴穴退處或 以淵水再干流展竊以眷求碩輔師長百工繁華夏之 重寄難任可勝虞于顛覆恩言未許蓋不盡于精殺敢 以為多悃幅之私榜徨以俟 代解第三表 西臺集

|青泉還其前命復以故棲則臣雖被遇而無堪有以自知 用保祐盛世自應松嶽之生賢數求逸民宜有傳嚴之 伏望皇帝陛下曲回睿眷大啟遠屬借使乏才猶難輕 沾之易斗筒在位定為與觀之人何假煩言始能解觀 名賢使當時杨爾如疵髮難爾僥逾廊廟論功錐匪沾 将奚補別兩官宵肝以求治而四海飢渴于太平宜得 名令處內幾有九遷之峻仍切三接之勤身則甚榮事 謂非常豈容虚受而臣智能甚短學問尤荒項自束邊

而為解頗舜危點拱俟俞音 一次足四事全一 英祖好賢當切于言責裕陵善質復追于刑誅速初政 陳及奉訓詞莫追汗令天地之無私如是君臣之相遇 登凳事樞已出遭時之幸進縣鈞軸尤非經國之長知 之清明方乘邊而鞅掌不圖白首診衛清東就假報名 至難亦既超逾惟知震懼伏念臣行非萬世才止中人 重任之疾顛戒虚名之暴得冀誤恩之可復當昧死以屢 代記忠宣謝登庸表 西畫集

陛下仰承積累欲大施為悼風化之未淳思太平之可致 敢固位以妨賢授受之初詞情因既 虞朴學終累國恩行其所知幸斯民之安堵如有不稱 更緣虚位因使備官既無見於事功乃止論其家世所 章歷態俟命居家卒不獲辭衆知非據此益伏遇皇帝 新國陪敦殿賦明告在廷近世未聞迄今猶恐所以拜 自二掘之列起升端揆之崇兼右省之隆名開侯封之 繼蒙收名曾無三月已預柄臣遠此二年遂尸相事仍

材微易竭恩重難解别遭明盛之朝而戴崇高之位榮 能而當路則將循致于病民如臣者學本承家仕斬干 非已稱寵實心驚臣聞自古聖賢之君有意治安之道 之必至敢懷要地以為安德職未辭新榮更集爰自中 澤平時幸會被遇三朝晚歲間關竟歷二府方念煩言 考慎其相允釐殿官必總制萬幾能成風俗之美協宣 德以名陰陽之和可以經體贊元代工理物尚或無 代范忠宣上太皇太后表

次三万三人二

西臺集

极之次超居論道之崇放侯社之故封益爰田之真食 侍祠太寝方成防配之隆孚號公朝首濫復升之渥事 瑜分願殊極憂就此盖 伏遇太皇太后陛下圖任惟公 更悉心于大體底無稗政以累後人 以象賢蒙慈注意聖謨在上敢愛力于明時免策未加 延登以恕念為國乃治家之道求忠臣于孝子之門誤 需章避命伏省遷恩終澳汗之莫回知眷求之虚辱大 代范忠宣解免明堂加恩表

大マラ・ハニラ 一 發剛近可無報事機更尸政杨陰陽或愆而未明愛和 雖循舊分實難安伏念臣力弱才微志迂質朽徒遭累聖 力而何有敢圖審聽曲霈鴻私增侈爰田重加真賦問 之常奚功可録實虞非據自搖無名伏望皇帝陛下函 其禮則不越典章之指語其勞則僅如防降之儀乃分 享內受百神之職外來四海之恭及糧事之告成在臣 行于成憲而屬肇稱宗祀考合上儀祇戒精專肅雍永 之理苗碩可格而不知鎮撫之方雖勉盡于孤忠但奉 西臺集

垂写四屋 人 即干公議臣位居衛弼職總官師乏嘉献以濟事之艱 濱髙明再殫悃幅竊以祭而惠下錐出至恩賞不以能 誠意冒聞俞音尚閱義可解而難止心得請以為安敢 級章 俾安分守則兩宫在御知溪汗之無私百職造廷 覆比天照臨如日念厥誠之可憫鑒所說之由東追寝 **庶強顏而安位** 無雅望以重人之觀聽苟更貪以張賜将下放于紛 代記忠宣上太皇太后表

典領于攸司實支離而即事幸免譴訶之及敢期數錫 欽定四車全書 ~ 孝以感通下則以奉公之顯相用能成禮的格殊休謬 紅非止累身固當體國惟兹安祀厥有常勞上則由大 特取區區之私義 願報已行之命俾無妄予之譏則遂成蕩蕩之公朝皇 加地進律為臣子之至祭而張德顯功亦聖王之重事 之蕃此益伏遇太皇太后陛下燭以至明於其小節雖 代范忠宣謝明堂加恩表 两臺集

薦就包圓壇而兼饗此曆介福首縣近司第其風夜之 之明裡復總章之並配禮文既輯孝感遂通款真字以 逢塵于近要及兹晚節遂領繁機職雖冠于代工事未 支離而不稱命書既下猶知遜避之當然徒聲所聞卒 勞益以陪敦之賦恩逾望表愧溢情涯祭澤方行始懼 忘于補過幸遇皇帝陛下靈承寶與祇述熊謀迹嘉祐 起拜嘉永慚虚受伏念臣學非自得道亦晚聞正以遭 瀝彩露章留 恩传音賦訓詞之申 防知汗令之難回竟

動天推仁及物念其輔政能一善之無聞及此受釐欲 力務獲公家之利敢懷私室之安 衆人之皆事故令辱昧首被褒優敢不見義則從惟忠是 云不獲罷騰交至俯偃靡追此益伏遇皇帝陛下以德 次三万事全事 涣然出待既成命之難稽惕若負芒知上恩之已過措! 于帷幄更冒進于機衛名隨器以兼尊任與憂而俱重 躬無地蒙施若天伏念臣本乏異能早尸榮禄該入陪 代锐忠宣上太皇太后表 西臺集

未聞一得可報萬分昨者考古定儀酌令崇饗奉一 熙事告成湛恩下霈曲頌寵數延及具僚遜避莫容兢 均而及下反類功疑之重深熟是入之多徒胃謹以固 天貺賜謂聖能享帝雖所出之由中而福降自天益可 親親在嘉祀以奚功豈謂太皇太后陛下以道博臨因 而致告備萬物以綏成通以官縣得專使範幸多儀之 辭卒切祭而兼處誓罄夙宵之力别酧覆情之仁 代范忠宣謝加思表

樂交集伏念臣生惟拙守學匪通方向以遭逢遂 恭鼎 燭以睿明於其戆随謂持衡當軸昔雖績效之無聞而 孝思之所感而明綸忽降恩紀增隆爾非執事之勞而 儀而明俗神靈熊格天地則臨等聞諸福之沓來方誦 司之重及均出處猶紆衰級之華屬大享之度恭煥多 冒加田之賞大踰分願徒益震惶此盖伏遇皇帝陛下 行食增封蓋示朝廷之大體誓勤夙夜少効涓埃 代范忠宣上太皇太后表 四臺集

次定四車全書

+

釐與衆人而偕享期永堅于 晚節庶少答于鴻私 之已辱遂切成命第訟因功此益伏遇太皇太后陛下 便蓄之寵爰田增侈真食有加想輝程以知漸顧絲綸 則為公器而臣項緣際會常處近司速此保全猶切都 有故常實為榮遇竊以祭而恵下殿有常經賞必顧勞 祀典交修益由東而致饗恩章下逮錐處外而不遗名 寄方永流而自勉屬不事之有成曾微風夜之勤亦預 **函覆比天照臨如日念其輔政錐一善之無聞及此受**

卷三

一大元司之 在新 備舜愚致錐曰報聞尚有忧辭期于必達大懼悔尤之 種享乃專總于使縣自非任能已蒙善貸豈可更切恩 奉承神既被飾治功而臣能薄位高才微禄厚介于坐 作比振古以增隆凡備物以親祠則敷天而均慶益欲 畀煇翟以示恩两漢以來及郊縣而露賜惟本朝之有 至非徒冒昧之熟益間自昔盛王因時恤祀三代而上 論莫紹宵肝之勤責以具瞻豈有儀型之美比進陪夫 代范忠宣辭免明堂加恩表 西連集 †

典多取户封掩澤物之殊私為持衛之假寵但由沿襲 長出入四朝曾無 能敢冒恩而招悔伏念臣器惟適用之小才乏兼人之 命錐巴出而 實重燒逾伏望皇帝陛下深軫淵東勉回鴻造念兹申 可盡糜捐 不事繼成純禧方治特均寵數先被宰司顧居位以無 代范忠宣上太皇太后表 如綸收以待切則無識于及汗底幾疲於 善周旋二府謬列三階雖兹大饗

次定四年至三 一 陛下深軫審慈曲於批守謂持衛當軸既實效之無聞 散而預加田之賞大通分願尤累聖知伏望太皇太后 濟敢上煩于寵獎而明綸忽降恩典過隆曾無告后之 無為亦孝思之所感如臣匪敏惟戾是逃幸不至于颠 存禮惟斯稱至于被天地之既格神靈之數由聖德之 之度恭益亦備員而上下典章明著多士肅祇物有司 而行食增封豈虚名之可受俾還廷號免桑邦奏 代范忠宣坤成節進功德表 西臺原 <u>‡</u>

久切禁禄令遇休期亦錐則于近聯詞實慚于善頌歡 試激切倍萬常倫 展而參會觀音允塞景算延洪恩治諸臣禮行中禁 散坐隆母道星纏緣節動軒陛以增華月夢流傳與帝 朝終而胥作流宫臺以騰散伏惟太皇太后陛下懿德 天正紀候方膺來福之祥坤載儲靈適協誕生之慶合 融 陰功點運輔先朝而允治翼聖刷以成能加美王 代范忠宣再進功德表 臣

之秘文集舊奉之淨侣恭憑妙果申祝福祥伏願太皇 次定四車全書 一 伏顧太皇太后陛下度資佛力增錫壽齡太如嶽音益 伏以位正母儀慶流壹則爰臨該日冒薦私誠緣鹿苑 理爰憑妙果式禱至慈緒海藏之秘詮發潮音之梵唱 伏以坤儀博厚式當誕慶之辰空土流傳風契真如之 深植福無疆界壽棋而不既 太后陛下功朔基圖道光房間清源有自資佛力以彌 代范忠宣再進功德表 西臺集

敢聲延洪之祝伏顧比明佛日等固金輪太如繳吾盆 來萬國對上靈之紅錫翼嗣聖於不平爰丁震有之辰 光明於干古帝虞孝養期永保于萬年 伏惟太皇太后陛下道尊房置功冒堪與母儀三朝子 伏以蘭秋放序方逾簡定之元沙麓開祥適協誕生之 光昭于千古帝虞孝養期永保於萬年 慶敢中善頌妙結勝緣演清梵于魚山緒秘文于龍藏 代范忠宣再進功德表

· 効順行知鋒鏑之可消患 弭一方治形四海伏以善戰 平戒翰思靡用干戈克敵雄才自還里門豈特疆場之 代范忠宣賀平河外三州表

小腿之易除始非得已而用兵然則招攜之有道果穴 之至初無勇功神武之行亦云不殺别羌夷之不靖本 可窮而不問邊陲安堵而自如情狀異殫敗誠屢至逐

聞華面相與獨風既內圖於威靈遂盡歸其俘獲殆非

力致純以德來矧是生還率常死節度湟伐木不煩充

西董集

ナ

災定日事全

感頌之私倍萬常品 功再拜奉觞雖阻漢庭之列大書作策永為宋史之光 為干載之逢臣項預政機親間睿算以分憂寄獲觀成 復從父母之邦邊候告軍人情底豫豈異七旬之格是 上仁兼覆盛德惟新小兩漢之邊功盡三王之能事眷 國之謀謁廟賜田如見子卿之及此益代遇皇帝陛下 伍偶隔聲名誤譯在塗既奉君臣之義裳衣改衽 代記忠宣謝賜姊萬年縣君冠帔表

賦人臣以事而念及其前人憫公卿之勞而不忘其後 如美於一身實增光於兩族切榮為幸報賜何階竊惟 聰聽下臨特領冠服之華不易衣裳之令恩由中出祭 事早悲託體之同恤絳在庭未被及身之龍私誠仰達 世水之在昔已曰稀逢而沉事非出于故常澤遇加于 恩在令中方瀝肺肝之請寵由意外遂沾手足之私遂 內外實為殊遇益異汎思惟是女兄蕞然嫠婦佩細即 可家藏此蓋伏遇皇帝陛下善與人同聖由天縱親奉

家聲之不泯知德賞之有由惟是孤臣將何報國拜天 之恩願易從中之賜敢圖聖念深較私門遂使遺養坐 多在公奚補錐兄弟之並仕顧姊妹之寡存偶因可請 逢見異恩而特達伏念臣早緣中教寝服祭階尸禄已 誠意冒聞者慈下遠靡從改授曲示匪頑顧同座之遭 子之命幾顛倒于衣裳比大夫之妻更增華于車服 金好匹厚全言 神宗之遺澤緬思仁祖之任賢念及寡居申惟華飾無 代范忠宣上太皇太后表

成月云來方起的勞之想雲天在望處切錫子之優雖 蒙華寵被之首服可慚主實之果與若霓衣如荷璇霄 秋定四事全書 一人 道安民示慈愛物靡間幽微之賤兼存衣被之功更以 有故常好由遭際伏念臣早承父訓翰自母慈比知從 公朝而感泣 先臣貢其遗體罷均在笥置私室以光華徒有同胞望 之降禁逾所望感極何言此益伏遇太皇太后陛下體 代記忠宣謝賜生日禮物表 西意味 Ŧ

政兼四路地控二陸為襟帶於比方實股版之重鎮置 其事功故每同具憂樂知有嘉生之意曲推及物之仁 之 誓罄批勤仰酬恩造 政之方已匪及親之禄追兹祭遇僅可移忠通丁載育 被澤此益伏遇皇帝陛下勤勞庶政體貌測臣以將責 之辰尤抱早孤之嘆敢期當賺特賜匪頌厚以魚牢加 一酸體原王人而臨諭 唇的旨以申褒踢地知整隆天 代范忠宣謝并州到任表

伏遇皇帝陛下治法禹湯仁如堯舜念當侍軒墀之末 冠書殿之清班總邊機于祇省具在前者多名德之相 登完事极入司政柄第奉行于典故夫何有于經綸始 但欲保家而被遇三朝效無毫髮蒙知二聖速若風雲 即之舊常須得人進職而居併為異數伏念臣本非聞道 望自視跌然懼憂勞之難副亦既受任敢忘盡心此益 疑高位之疾顛更得价藩而為罷近兹期月復濫思紫

一次定四事主書 一

西臺集

是為心育之臣爰由加體貌之隆特委兵民之任尚有

殘拔之於幾死之中還之于絕望之後官名悉後里開 伏遇皇帝陛下篡服當天體仁澤物務為蕩滌施及匹 戒滿盈自取顛覆擠九淵而難拯視萬鬼以為隣此益 統由被丁寧惟深順越伏念臣項緣遭遇過竊寵靈不 得以報萬分 私指冒聞蓋恃聖君之含質特恩如請更窺天語之温 唐之風俗承列聖之涵濡惟知愛人敢或生事庶幾 代范忠宣謝賜醫官章服表

次定四事主書 ~ 然臣外已支離中加昏耄但知感这無復激昂伏枕待 慈力盡出於公家心靡追于私室趣禪危態妄有哀祈 得歸因遣侍醫隨療沈察既更生而為德仍起廢以推 敢調神聖重於朽億與期湯熨之速效且非藩服之常 柔紋再行尤積妨賢之咎錦衣未改還切入里之榮復 終將何裡于君父捐軀報上更當弱于子孫 恩併受訓詞示存春待俾在桑榆之景更弱獨美之忠 代范右丞謝再出知類昌表 两臺集

書殿之隆名進治官之崇秋思私曲被感涕無從伏念 舊藩兼出入之思輝盡始終之體貌益為僥倖有靦心 禁國何功遂階丞弼微勤勞之可紀徒內外以选居一 臣以一介之庸愚遭干年之盛際立身寡與但遇聖朝 容待其疲曳而不支然後巡而得請仍如異數付以 顏此益伏遇皇帝陛下側以至仁 包之大度念其充位 百自鄉 視不全識慮尤短速以人言而自訟終順聖度之合 那入司政杨氣與神而俱耗老隨病以交侵

卷三

幸樸椒以無他雖或誤朝由衰遲之已甚不止奉身而 過事冀有補于萬分晚歲得君記無稱于一善尚累撫 善退仍容假寵以榮歸然臣被遇三朝編更二府壯年 少足四事~三百一▼ 近即抵譴訶已甘自屏于明時何意發伸而任道此蒙 熟既極恐懼益深伏念臣學通方仕緣遭際項塵祭 非材而居萬位戚以自貽去國而守大邦恩由善質感 民之寄徒懷去國之輕誓以餘齡更酬洪造 代范右丞謝賴昌到任表 西量集

識人分外乏建明中多忘忽有如物使初轉喉而 生當力圖於報 推髮思愆没齒自訟當四重任況終賴于保全未盡餘 道用中愛物如傷以仁觀過似於晚節持屈 召屢被害求遂越稠人預聞 17 委撫封之重此益伏遇皇帝陛下堯仁廣運舜 言錐醋舌而 示之大度止令去位猶假輔端不徒禮貌 劾 何及累奏封而自 機政而臣年龄已幕 列 伏 砧 明 鑕 刑] 不 臣 汉 是 敢 知 知

	1+9:	西臺集	全書	災定四事全書
l		,		
ļ				
1				
			,	-
		·		
		÷		
,				

		-			
西					
西臺集卷三					
示表					
=					
ļ					
) 1		-	,		
				·	